

SEICOLEG

Amser: 1.5 awr (90 munud)

Adran A (40%): Rhaid i chi ateb pob un o'r PEDWAR (4) cwestiwn
Adran B (60%): Rhaid i chi ateb UN (1) cwestiwn o blith dewis o chwech

ADRAN A (40%)

**Darllenwch y braslun ymchwil canlynol, ac ateb pob un o'r PEDWAR (4)
cwestiwn isod**

Mae cwmni ffitrwydd eisiau cadarnhau a yw traciwr ffitrwydd newydd yn gwella lefelau gweithgarwch corfforol. Er mwyn gwneud hyn, mae'r cwmni'n hysbysebu astudiaeth ar-lein, ac yn gwahodd pobl sydd wedi bod yn ceisio gwneud mwy o ymarfer corff yn ddiweddar i wirfoddoli ar gyfer yr astudiaeth. Cofrestrwyd y 286 person cyntaf a ymatebodd (30 ohonynt yn fenywod), a gofynnwyd iddynt lenwi holiadur yn mesur eu gweithgarwch corfforol wythnosol, gan gynnwys nifer y camau a gymerwyd a hyd y sesiynau ymarfer corff. Yna, maent yn rhoi traciwr ffitrwydd newydd i bob un sy'n cymryd rhan yn yr astudiaeth, ac yn gofyn iddynt ei wisgo am fis. Ar ddiwedd y mis, gofynnir i'r rhai sy'n cymryd rhan lenwi'r un holiadur eto ynghylch eu gweithgarwch corfforol i asesu unrhyw newidiadau yn eu lefelau gweithgarwch.

1. Rhestrwch unrhyw broblemau posibl o ran y fethodoleg ymchwil a ddefnyddiwyd.
2. Disgrifiwch sut y gallech wella cynllun a dulliau'r ymchwil hwn.
3. Pa fathau a fformatiau o gwestiynau y gellid eu cynnwys yn yr holiadur, a pham?
4. Pa faterion moesegol sydd angen eu hystyried yn y prosiect hwn?

EWCH YMLAEN I ADRAN B AR Y DUDALEN NESAF

ADRAN B (60%)

Atebwch UN (1) cwestiwn o blith y dewis o chwech isod.

- 1) Disgrifiwch adeiledd a swyddogaeth niwron.

- 2) Sut gallai seicoleg fod yn ddefnyddiol i'n helpu i ddeall pam fod pobl ifanc nad ydynt erioed wedi ysmygu yn dewis fepio, a sut y gallai seicoleg helpu i fynd i'r afael â'r pryder iechyd hwn?

- 3) Sut mae dealltwriaeth ynghylch sut mae'r ymennydd a'r system nerfol yn gweithio yn gallu bod yn ddefnyddiol ym maes seicoleg?

- 4) Mae claf sy'n ymweld â'r meddyg â symptomau iselder yn synnu bod y meddyg yn ei gyfeirio at grŵp cerdded yn hytrach na rhoi meddyginiaeth ar bresgripsiwn iddo. Cymharwch y ddwy ffordd wahanol iawn hyn o drin iselder, gan gynnwys sut mae'r dulliau hyn yn gweithio, a chymharu manteision ac anfanteision pob un.

- 5) Beth all seicoleg ei ddweud wrthym am swyddogaethau cerddoriaeth mewn bywyd bob dydd? (Gall atebion ddod o safbwynt cerddorion sy'n canu ac yn chwarae offerynnau yn ogystal â phobl nad ydynt yn gerddorion sy'n gwrando ar gerddoriaeth neu sy'n dod i gysylltiad â cherddoriaeth mewn amgylchiadau bob dydd).

- 6) Yn ystod cwnsela gyda chleient, beth fyddech chi'n ei ddisgrifio fel cyfyng-gyngor moesegol?